

INTERVJU Član Evropskog parlamenta Andrej Plenković

Nemojte posustati u reformama za EU

Ne gubiti iz vida strateški put • Predaja zahtjeva za članstvo ključna je politička prekretnica • Što brže ispuniti dva preduvjeta

Razgovarao:
Amil DUČIĆ

Svečani čin predaje zahtjeva za članstvo u EU koji će se desiti 15. februara u Briselu, ključna je politička prekretnica za Bosnu i Hercegovinu, što jasno ukazuje na to kojim putem ova država želi ići. Zato apeliram na sve političke lidere da i u ovim trenucima iskoriste tu šansu te da ne posustanu u reformama.

Poručio je to u intervjuu za "Dnevni avaz" hrvatski

trenucima bitno da se ne upadne u zamku da se od drveća ne vidi šuma".

□ **Kako komentirate cjelokupnu političku situaciju u BiH, u trenutku kada se očekuje podnošenje aplikacije za članstvo?**

- Ono što je sada najbitnije uoči dogovorenog podnošenja zahtjeva za članstvo 15. februara u Briselu jeste da BiH intenzivno radi na ispunjavanju dva preostala preduvjeta. A to je da se donesu sve potrebne odluke kako bi se uspostavi

Srbija mora poštovati teritorijalni integritet BiH

- Mi smo i u raspravi koja će u Evropskom parlamentu biti ovaj tjedan, a radi se o izvještaju o napretku Srbije prema EU, planirali da jedan od ključnih elemenata bude usuglašavanje vanjske politike Srbije s vanjskom po-

litikom EU. U tom smislu očekuje se jedan ozbiljan pristup i angažman Srbije prema poštivanju teritorijalnog suvereniteta BiH te u krajnjoj liniji i provedbe svih onih međunarodnih obaveza koje imaju prema BiH - kazao je Plenković.



Plenković: Put ka EU presudni faktor

zastupnik i potpredsjednik Odbora za vanjske poslove Evropskog parlamenta Andrej Plenković komentirajući za naš list pokušaj stvaranja vještačke političke krize u BiH hapšenjem lidera SBB-a Fahrudina Radončića.

Pitanje mehanizma

Plenković je rekao da u ovom trenutku institucije trebaju raditi svoj posao, ali je poručio da je "u ovakvim

vio učinkoviti koordinacijski mehanizam na način da Evropska komisija bude suglasna s tim mehanizmom. A drugo je da se riješi pitanje pregovora o prilagodbi trgovinskog dijela Sporazuma o stabilizaciji i pridruživanju s obzirom na to da je Hrvatska postala članica EU. Dakle, pitanje koje nije riješeno već, evo, dvije i pol godine. Bilo bi izuzetno važno, pogotovo imajući na umu činjenicu da

su hrvatski zastupnici ovdje najangažiraniji te najveći zagovornici novog institucionalnog koraka BiH prema EU, dase i to pitanje riješi.

Ključni faktor

□ **Bojite li se da će ovaj izazov pred koalicijom takav pristup sporiti?**

- Za sve političke stranke u BiH i institucije, za vlast koja je formirana nakon izbora, strateški cilj i put je

daljnje jačanje odnosa prema EU i provođenje SAA. Naravno, i buduća dinamika koja će podrazumijevati pregovore o pristupanju. Čini mi se da upravo taj evropski put može biti onaj ključni faktor ne samo držanja svih na okupu nego i stvaranja potrebne društvene klime za gospodarski rast i podizanje socijalnog standarda za sve građane BiH.

□ **Vjerujete li da se može nastaviti s reformama?**

- U ovom trenutku ipak bih bio pozitivan. Mnogo smo radili i pomagali, u tijesnoj koordinaciji s našim prijateljima u BiH. Tu mogu izdvojiti poseban angažman Evropske pučke stranke, s obzirom na to da su sva tri člana Predsjedništva BiH, odnosno njihove stranke, dio ove političke obitelji. Razgovarali smo vrlo intenzivno i s Evropskom komisijom i s brojnim predstavnicima država članica i visokom predstavnicom Federikom Mogherini (Federica Mogherini) i sa šefom Delegacije EU u BiH Lars-Gunarom Wigemarkom (Gunnar Wigemark).



Moedas: Investicije radi rasta i zapošljavanja

njimaje i BiH.

- Cilj sporazuma je da se potaknu investicije u inovativne kompanije radi rasta i zapošljavanja - poručio je Moedas.

Evropski investicioni fond i EU, u okviru "InnovFin" garancije za mala i srednja preduzeća, garantiraju do 50 posto iznosa kredita namijenjenih aktivnostima u oblasti inovacija. A. Du.



Droce: Vodeći stručnjak

Ličnost dana Aida Droce

Uporan rad se isplati

Od izbjeglice do prestižne titule doktora nauka biotehnologije

Često se desi da građani BiH, kada dospiju u uređene državne sisteme, postanu lideri u svojim oblastima. Kao još jedan dokaz služi i primjer dr. Aide Droce, koja je u Danskoj dobila titulu doktora nauka biotehnologije te magistra molekularne biologije.

Zajedno s porodicom, Droce morala je napustiti Mostar 1994. godine i otići u izbjeglištvo. Završili su u izbjegličkom kampu kod danskog grada Arhusa i u njemu je porodica Droce živjela dvije godine. Nakon što su dobili dozvolu boravka, preselili su se u grad Skanderberg, a Aida se posvetila školi i učenju. Droce trenutno je vodeći stručnjak u svojoj oblasti u Danskoj. Smatraju je jednim od najtalentiranijih mladih naučnika iz oblasti molekularne biologije. Specijalizirala je neurogenetiku i dnevno po 15 sati provodi u laboratorijima.

Njen životni put mogao bi poslužiti kao osnova za holivudski film, jer je ona čista inspiracija za sve one koji nekad posumnjaju da se upornost i trud isplate.

Uz tačno određen cilj ništa nije nemoguće. I ne treba zaboraviti da se svi padovi i usponi u jednom trenutku pretvaraju u savršenstvo. Taj trenutak Aida je doživjela primivši titulu koju će s ponosom nositi cijeli život. E.H.

Monitoring tim Eurostata stigao u BiH Everersova posjeta poticaj za objavu rezultata popisa?

Cijeni se da bi trebalo doći do presjeka agonije s objavom popisa

Predstavnici Monitoring tima Statističkog ureda EU (Eurostat) jučer, prvog dana posjete BiH, održali su sastanke s predstavnicima Državne te Federalne agencije za statistiku, a zbog zastoja u objavljivanju rezultata popisa stanovništva provedenog još u oktobru 2013.

Kako saznajemo, Monitoring timu od sutra će se pridružiti i direktor Eurostata Piter Everers (Peter Everers), koji je i predsjedavajući Upravnog odbora Monitoring tima, a koji je u junu prošle godine dao preporuke za rješavanje spornih pitanja u vezi sa sveobuhvatnom objavom popisa stanovništva u našoj državi.

Ove preporuke uslijedile su jer se entitetske statističke agencije nisu mogle usaglasiti o jedinstvenom programu obrade podataka, tačnije o setu pravila koja definiraju izvođenje rezidenta, a što predstavlja jedan od osnovnih podataka popisa.



Everers: Dao preporuke

Uzme li se u obzir da BiH 15. februara predaje aplikaciju za članstvo u EU, cijeni se da ova Everersova posjeta predstavlja ključni poticaj za konačnu objavu rezultata popisa, koji su našoj državi potrebni za izradu razvojnih analiza i strategija, a posebno u procesu priključenja EU. U okviru posjete BiH, Monitoring tim Eurostata trebao bi se sastati i s koordinatorom Vijeća ministara BiH za popis, a to je ministar civilnih poslova BiH Adil Osmanović. A. DUČIĆ

Kreditni mehanizam EU dostupan i za BiH

250 miliona eura za jugoistočnu Evropu

Novac za mala i srednja preduzeća • Program pokrenut i u Albaniji, Bugarskoj, Makedoniji, Moldaviji, Rumuniji i Srbiji

Sporazumom koji su krajem prošle sedmice potpisali Evropski investicioni fond (EIF) i njemačka bankarska grupa "ProCredit" omogućit će bankama u sedam zemalja jugoistočne Evrope, među kojima je i BiH, da sklope nove kreditne ugovore s malim i srednjim preduzećima i preduzećima srednje tržišne kapitalizacije u ukupnom iznosu

od 250 miliona eura u naredne dvije godine.

Kako nam je potvrđeno u Evropskoj komisiji, riječ je o novom kreditnom instrumentu EU u okviru već pokrenutog programa "Horizon 2020". Osim BiH, ovaj program implementira se i u Albaniji, Bugarskoj, Makedoniji, Moldaviji, Rumuniji i Srbiji. Kada je riječ o BiH, uskoro se očekuju konkret-

ne informacije o pristupu ovim sredstvima.

Karlos Moedas (Carlos), evropski komesar za istraživanje, nauku i inovacije, tim povodom izjavio je da je navedeni kreditni sporazum otvoren za sva mala i srednja preduzeća i preduzeća srednje tržišne kapitalizacije u državama koje učestvuju u programu "Horizon 2020", a među